

NOVENDIUM

S E U

NOVEM DIERUM EXERCITIA,

AD HONOREM

GLORIOSI PATRIARCHÆ

S. ROMVALDI

ABBATIS.

Pro novem Martis diebus, prodigio-
sam ejus, ad inchoam habriauensem
Civitatem, Translationem preceden-
tibus, qua a 7. Februarij occurrat.

*Ex quibus Lib. 2. quatuor hoc signa advo-
cavit. Devotus asseruit, pro totidem sex et tertius
ad diem felici S. Patris transitus in ecclesia
se extendentibus, cupit esse sanctior*

Inserta est: in est compendiose Vita e-
iusdem S. Patris, pro majori Devoto-
tum exultatione; tum Patrum ejus
Officium, & Responsorium.

Anno Domini 1709.

C R A C O V I Æ

Typis Francisci Cezary, S. R. M. Impressoris ac
Reverendiss. Dni Episcopi Crac. Ducis Sere-
næ Ordinarij Typographi.



Addo diuturnitatem Vitæ Ro-
MUALDI, ex DEI præsentia ortum
duxisse. Profecto Rechabitæ, si-
ve Cinæi, in sua illa solitudine,
DEI assiduâ præsentia frueban-
tur. Quis autem dubitet, fami-
liaritatem cum DEO vitam ex-
tendere? An non Moyse ex fa-
miliaritate cum DEO, ex crebris
cum Numine colloquijs ultra
centum annos produxit ætatem?
Antonius de Escobar, & Mendoza
Libro 3 ad cap. XIX. Matthæi parte
5. Paneg. Moral. 5. Observ. 3.



M. II. 25

XXXXXXXXXXXXXXXXXXXX
XXXXXXXXXXXXXXXXXXXX
PERILLUSTRI,
ET
REVERENDISSIMO DOMINO,
D. CHRISTOPHORO
à SŁUPOW
SZEMBEK,
CANONICO CRACOVIENSI.

Domino & Patrono Colendissimo.

P*rodeuntem in lucem exilis in-
genij partum, protectione &
favore Tuo fovendum, repono
in Roseum sinum Tuum, Perillustris
& Reverendissime Domine,
Veluti alterius & rara Pbaenicis, de
cinere exorientem Sanctissimi Patri-
archae Nostri ROMUALDI Vitam,*

non peregrinis Numinibus, sed magno
Tuo Nomini immolandam, insinuavit
mibi. ipse zelus Tuus erga res sacras,
& magna in eas veneratio, quam
opusculo in Polonia novello, magno fi-
ducia ausu, pro objecto assumo, spe-
rans sub Auspicijs Tuis, tenerrima vi-
ta, & virtutis Romualdina, necnon
cultus, & devotionis incrementa,
plurimum in cordibus Fidelium pro-
fectura. Hac ergo sacratis manibus
tractanda, & promovenda, cum omni
respectu, & profundissima mea submis-
sione trado, solo hoc purè motivo, ut
quàm evidentissima singularis, Per-
illustri, & Reverendissimæ Do-
minationi cultus, honora, & inti-
ma propensionis mee testimonia de-
promere queam. O si, quod olim
Nemus à Jove petisse fingitur ve-
rum esset; nimirum; ut aperta &
nuda

nuda omnibus cordium humanorum
paterent consilia; cerneves procul du-
bio omnia mea studia, conatus, tum
animi, tum corporis contentiones, in
Te apprimè colendo esse collocatas. DE-
US Pijsſimus felicem Te Perillu-
aris Domine, atq; florentem, tam
Tibi Ipsi, quàm Ecclesie Sanctæ, in se-
ram annorum seriem conseruet, opto.

Perilluaris
& Reverēdissimæ Dominationis

Humillimus Servus,

Et Exorator

P. Benedictus, Eremita
Camaldulensis.

GENE-



Sanctus Romualdus Abbas
Carnaldiensium Pater.

(C) (H) (S)

I

GENERALES REGULÆ PRO NOVENDIO.

Quicumque pro impetranda aliqua, à Divina Maiestate gratia, per patrocinium Sanctissimi ROMUALDI; sive in gratiarum actionem pro iam obtenta, ipso mediante gratijs, huius Sancti Novendij exercitia facere exoptat; Primo, omnibus Martis diebus novem ieiunare debet. Si autem ieiunare non valuerit, aliquam eleemosynam pauperibus elargietur; aut aliquod pium opus, secundùm Patris Spiritualis consilium peraget.

2do. Quolibet ipsorum Exercitiõrum die confiteri, & Sacram Eucharistiam suscipere tenebitur.

3tio. Die Vigiliæ S. Patris ieiunare, ac tandem ipso Festo communicare debet. Tunc enim in Ecclesijs sui Ordinis Indulgentiam plenariam lucrabitur.

4to. Per hos dies novem, centum viginti Pater noster, & Ave Maria, cum totidem Gloria Patri, (dividendo ipsos

per 13. in dies, ultimis verò tribus diebus per 14.) in memoriam centum viginti annorum, quibus Sanctus vitam duxit, recitabit. Quodsi verò aliquis per semetipsum præfata Exercitia adhibere nequiverit, notæ & timorata Persona committet, quæ suo nomine ipsa adimplebit.

PRIMODIE MARTIS,
PRÆLUDIUM.

A Deo S. Romualdi Patris & Fundatoris Ordinis Camaldulensis Vita Orbi Christiano præluet; ut nec minima Christianitatis pars adlit, quia ibi ejus præclarum Nomen, præfama celebre non excurrat. Illi centum annorum dies austerimæ, ac sanctissimæ vitæ, quam cum profunda humilitate, inter nemora, & solitudines agebat absconditam; ante humanæ notitiæ oculos, per omnia occulti esse non valebant. Virtus namque lux est clarissima,

Sancti Romualdi.

rissima, quæ se ipsam conspici facit. Et DEUS (ut loqui fas sit) silentiosa arbuſtorum ora solvit, ad sui servi sanctitatem Ecclesiæ patefaciendam. Divus Petrus Damiani Cardinalis Ordinis nostri, primus fuit alios inter Scriptores, qui compendiosè S. Romualdi facta reddidit fastis. Postque ipsum Divum Petrum omnes sacrorum Historiographorum calami, in Ecclesiasticis Annalibus, tanti Sancti opera præclara reddiderunt. Ipsemet DEUS Sancti Patriarchæ virtutum excellentiam, ac meritorum culmen obstupescendis miraculis manifestavit. Siquidem extincta incendia, tempestates maris sedata, amentes sanati, infirmi ad pristinam valetudinem reducti, bestiarum mansuetæ, infernales spiritus fugati, prodigia fuere; quæ quasi joci gratiâ, aut per verbum, vel manum Sancti evenerunt. Quid plura? Tota ejus vi a, unica virtutum synopsis fuit, atque assidua miraculorum series. Post

fortunatum S. Romualdi, & ultimum
 vitæ halitum, Supremus Dominus e-
 xaltans humiles, Sancti sui gloriâ ma-
 gis prodigiosis portentis propalare
 continuavit: de cuius tumulo appa-
 ret esse scriptum illud perpulchrum
 Prophetæ elogium: *Et erit Sepulchrum
 eius gloriosum.* Pro evidentia autem
 veritatis: Sacrum Divinissimi Romu-
 aldi Corpus, quod prolixiori sæculo-
 rum morâ, a temporis injuriâ, in In-
 clyto Vallis de Castro Cænobio, in obli-
 vione sepultum jacuit; cum illustri
 crebrescentium miraculorum pompa
 ad Nobilem Fabrianensem Civitatem
 fuit translatum; ubi quasi in gratia-
 rum throno gloriosum, & ad omnium
 sibi devotorum favorem, beneficium
 residet. Eò loci ad præcellsum Sancti
 Sarcophagum, visuntur obstinatorum
 in peccatis conversiones, & diversa-
 rum personarum in perfectione lucra:
 ut potè pericula animæ declinata, ten-
 tationes superatæ, lumina acquisita,
 optimæ

Sancti Romualdi.

S

optimæ inspirationes reportatæ, adiutorium perseverantiæ in incæptis bonis; & aliæ spirituales gratiæ: quæ quantò sunt plus secretæ; tantò magis ordinariè à veris S. Romualdi devotis obtinentur. Ad extremum potenti ope S. Anachoretæ creberrime, jam jam moribundi audiuntur protinùs ab imminente morte liberati, innumera- biles infirmi ad insperatam salutem re- ducti; pauperes quoque miserabiles in necessitatibus provili; afflicti ac penè metu exanimati, in tribulationibus ac ærumnis efficaciter consolati, ob- fessi, & à dæmonio tentati, parturien- tes, agonizantes, à potenti brachio S. Romualdi occultam vim perferunt. Visitatâ namque ejus Ecclesiâ atque Sancto Sepulchro; aut invocato San- cti Nomine, viribus esse firmi, ac pro- sùs omnimodè liberati cernuntur. Si regnant inimicitie; S. Romualdus re- donat pacem. Si annonæ caritas ad- venit; S. Pater abundantiam frumenti deluper

desuper impetrat. In perniciosis inundationibus, in noxijs terræ ariditatibus, in bellis, conflictibus, in terræ motibus, quavisve pestilenti lue, absque ulla cunctatione, vix recursus fit ad Sanctum; & ecce in omnibus necessitatibus, ut generalis Protector subvenit, adjuvat, consolatur, & quascunque gratias devotè requiritas protinùs concedit, & suppeditat.

Cum itaque infallibile B. Patris nostri patrocinium maneat, ac meridiana luce clariùs existat; tibi Anima devota, sequens distinctum varijs meditationunculis in S. Romualdi vitam Novendium præsentò; quatenus facilem ac proficiù, pro acquirenda & augenda, erga Sanctum devotione, methodum habeas: tum quoque, ut desideratum gratiarum donum celerius reportare queas. Ocyus ergo S. Romualdum in Advocatum tuum eligas; tua cordis penetralia ipsi detegas; omnigenas necessitates exponas; sicque te consolandam

landam procul dubio credas. Ejus Ecclesiam frequentando viuites, peractoque novendio Sancti Nomen invoces; & ex parte ipsius spondeo te exaudiendam. Ipte è Cælo Empyreo pijs oculis te intueri non cessat; manum ad benedictionem elevat; & pro elargiendis gratijs, quascunq; efflagitas, sine intermissione avidè te præstolatur.

INCIPIT VITA S. PATRIS.

† **R**omualdus fuit Sergij Ravennæ, Ducis Filius, ex nobilissima & Regali Longobardorum Ducum stirpe progenitus, vulgò: *De Sassi*. Quæ Familia Fori Julij & Beneventi insignes Ducatus, partem Tusciæ possedit; & per certum temporis spatium ampla Lombardiæ, Apuliæque Regna gubernavit. Et consanguineitate propinqua cum Imperatore Othone I. ac per consequens cum alijs duobus gaudens, ex Illustrioribus ac Ditioribus Europæ Prolapsijs originem duxit. Sub sui cursu

cursus juvenilis initio per lubricam callem incedere cepit, & ad mundi vanitatem proclivis fuerat. Nutriebat nihilominus intra cordis viscera motivum solitudinis sensus; expro-mendo ab illis densis nemorum saltibus, quos ad agendas ferarum prædas sæpius percurrens collustrabat. Anno suæ ætatis vigesimo Divinæ vocationi aure porrectâ, Monasticum Habitum in Basilica S. Apollinaris, in Canobio Classis assumpsit; illuc præcipue compullus à quodam funesto casu, qui ejus genitori, in sua præsentia accidit; ibique se totum DEO, perfectionique acquirendæ consecravit.

M E D I T A T I O.

Primò Considera, quomodo DEUS bonis inspirationibus eos, etiam visitare non omittat, qui commoditatibus, ac delicijs terrenis immerli, ipsius obliti vivere videntur. Si tu, aut aliquis ex tuis asseclis, ex similium numero

mero reperiaris ; supplica instantèr
Divinæ benignitati per Sancti merita,
nè te, in tui ingrati & obdurati cordis
pœnam derelinquat ; verùm te do-
ceat proprium litatum cognoscere, at-
que serio emendare.

2dò. Considera, quomodo ex rebus,
à Divina Providentia ad nostrum lici-
tum usum creatis, ad cœlestia & spiri-
tualia mentem facillimè erigere possi-
mus ; ab illis desumendo occasionem
Conditoem laudandi, eique agendi
gratias.

3tiò. Considera, quomodo DEUS,
pro una anima ad portum salutis re-
ducenda, multoties mundi ærumnas
atque infortunia adhibeat. Casu, quo
tibi, in aliquam adversitatem devenire
contingat, minimè perterrearis ; sed
apprimè examines, quidnam à te DE-
US prætendat ; exemplo nostri Sancti,
qui ex inconvenienti Patris progressu,
optimam, & convenientem propria
saluti conversionem depromptit.

PRO-

P R O P O S I T A.

Attentè perpensis supradictis considerationibus propone. 1mò. non amplius internis vocationibus, & bonis sensibus resistendum, quascunq; tibi Pater luminum præstare dignabitur; sed te reflectendum super salute animæ tuæ, licet familiaribus, & sæculi negotijs implicatus existas. 2dò. Ab hinc ponderandam DEI Potentiam, Sapientiam, & Bonitatem, quæ in cunctis Creaturis relucet, & maximè in Sanctis ejus, quibus & tu similis esse poteris. 3tio. Nunquam desperandum, animumve despondendū, quamvis te nimis ad vanitates proclivem esse cognoscas, aut aliquas patiaris persecutiones, aut quovis modo te esse sentias tribulatum.

Fruitus huius Meditationis.

1mò. Ab hac die illis rebus renunciare incipies, quæ Sancto Patri displicere possunt.

2dò.

2dò. Tuis Famulis, vel amicis, ejusdem Sancti cultum persuadebis.

3tiò. Ad honorem ipsius, aliquod misericordiae spiritualis, vel corporalis opus, in tui proximi emolumentum exercebis.

ORATIO.

SANCTissime Patriarcha & Pater amantissime omnium nostrum Viatorum; confiteor negligentiam meam in obsequio tuo, & elapsis temporibus me in tua devotione penitus incuriosum fuisse. Cujus, ex intimo cordis mei me penitet. Profiteor cum his Exercitijs in posterum me fore tuum verum, ac devotum servum; nunc te in meum Advocatum, & Patronum eligendo, cum irrevocabili proposito, nunquam amplius a tuo desiderabili famulatu me subtrahendi. Inde cum omnimoda spiritus mei humilitate instanter tibi supplico, ut hoc minimum pauperculi cordis mei obsequium pergratum tibi facere velis. Illud quippe
ad

ad tuam perpetuam gloriam offerre dispono; tum quoq; ad sublevandam miseram animam meam, quæ ad ultimum usque respirium tibi recommendata maneat ante Divinam Majestatem; ut ipsâ frui tecum in cœlis æternum valeat, Amen.

*Pater n. ster, & Ave Maria, pro vivis
& mortuis Sancto devotis,*

SECUNDO DIE MARTIS, PRÆLUDIUM.

† **C**UM jam sincerissimo animo, & ex intimis præcordijs clientelæ te Sancti Romualdi committas, restat, ut tuæ servitutis officio, opera tua consonent. Sed quidnam facies, ut amoris ejus teneritudine dignum te reddas? In id primariò animum intendes, ut characteri, quem geris per omnia respondeas, in DEI gratia manere satagas, ad normam tui, in delicato æternæ jucunditatis Paradiso spantiantis

tiantis Defensoris, qui supereminenter eâ dotatus fuit. Operam impendas ipsum imitandi proportionaliter in earum virtutum exercitio, in quibus singulariter excelluit; & quas, in ul- toniori admirandæ ejus vitæ progressu perlustrabis. Ipsemet apud Altissi- mum, pro necessario adjutorio, ad eas exercendas, Mediator tuus futurus est. Animum omninò non despondeas, quinimò ejus caliginem procul dispel- las. Cor, ipsi fiducialitèr detegas, nec quidquam pertimescas. Sanctus Pa- ter, & est fidelis, & potens. Potens ad omne exoptabile bonum tibi largi- endum. Fidelis ad clientes in fidem suam recipiendam, & neminem fallen- dum. Crebrius ipsum amabili, pij Patris titulo invocas; & ipse te ut fili- um respiciet; atq; ab omni mala ani- mæ & corporis incurfione proteget.

SEQUITUR VITA SANCTI.

Post elapsum ingressûs in Religio- nem triennium, ad quendam Vi- rum,

rum, ab humanis tumultibus per omnia segregatum, in Venetis Insulis commorantem, Marinum nomine, non minus naturam simplicem, quam moribus candidum comineavit; ejusque directioni se tradidit. Qui suum novellum in via DEI discipulum, psalmodiæ disciplinam instruens occasione alicujus titubationis, ad quemvis errorem, veniam rigidus Magister non admittens, virgâ, sinistram capitis ejus partem verberabat: quæ suo tempore per cõtinuam repercussionem, adeo offensa evasit, ut ferme auditum perderet. Sanctus autem patiens, auditus præjudicium cernens, cum majori humilitate, ac patientia ipsum efflagitare coactus fuit, quatenus illos indiscretos ictus in dextram partem revolveret. Et tandem aliquando in se reversus solitudinis profundæ Incola, rigidam animadversionem in suam tam modestum discipulum moderavit. Per unam integri anni revolutionem,

uno

uno pugillo ciceris elixi, de die in diem contentus fuit. Per continuum triennium, eodem jejunij rigore servato, in excolenda terra seminandoq; ac proprijs manibus colligendo tritico, occupabatur.

M E D I T A T I O.

1. **C**ONSIDERÁ invictam tolerantiam, & demissam humilitatem Sancti; qui licetli spontè se illi, cunctis virtutibusornatæ palæstræ dedicaverit; & per consequens illá dimittere ad proprium beneplacitum potuerit; verumtamen nè cum invictæ patientiæ exercitio, magna merendi, occasionem omitteret, in eo, planè ad sensus privationem constanter perseveravit.

2. Quomodo Eremita Marinus, etli aliàs homo sanctitate conspicuus, attamen in discretione virtutum basi, Romualdū percutiendo deficiebat. Quod DEO permittente actum est: nimirum ad abundantius meritum discipuli; &

li; & ad majorem Magistri in spiritu doctrinam; qui tam perfectâ discipuli patiëntiâ, & placatus extitit, & ipsum posthac summa veneratione coluit.

3. Considera rigidam abstinentiâ; cui se Romualdus, (licet floridam adhuc, ac delicatam juventam duceret) instinctu amoris DEI, ac respectu Æternitatis dedit: & rusticanas operationes, ab ipso quamvis genere nobilissimo oriundo arreptas.

P R O P O S I T A :

FActis præfatis considerationibus propones.

1. Nunquam evitandas occasiones patiendi, ad summum vltro se offerentes; sive à DEO, sive à Creaturis occurrant.

2. Compassione duci erga defectus illarum præsertim personarum, quæ possunt esse, aut sunt in aliqua virtutis æstimatione.

3. Exercendum aliquod, secundum proprij

proprij status conditionem, mortificationis genus, aut corporalem penitentiam; non tantummodo pro commissorum delictorum satisfactione; at etiam, nè in casum graviolem ruas,

Fruclus huius Meditationis.

1. **G**enerosum animum indue; & hanc die, eum qui te aliquam ignominiam, aut displicentiam affecit, contraria gratitudinis tessera preveni. Vel si id prestare non vales; DEUM pro ipso, singulari mentis applicatione deprecari stude. Casu quo, ipsum allocutus non es, quam primum ei reconciliari non differas, etiam consulto occasionem inquirendo. In memoriam tibi veniat Ecclesie ipsiusmet Capituli Christi exemplum; qui nec Redemptionis Sacrificium complere voluit, priusquam in proximi reconciliacione, (scilicet: *Ecce dimite illis*) non fundaretur.

2. Universas proximi actiones, eo
non

non obstante, quod tibi pravæ videantur, in bonam partem vertere, ac interpretari incipe.

3. Ad aliquod contemptibile, & vilis exercitium, tam privatim, quam in publico, te deprime; nec ab eo ratio aliqua politica, aut præclari sanguinis nobilitas te avellat.

O R A T I O.

Semper melius agnosco ô gloriosissime Pater, felicem sortem, quam sum adeptus, cernens me tuæ dignissimæ sequelæ esse adscriptum. Proindè tibi correspondendi gratitudinis affectu, avidus athleta, cum pleno animi mei studio, tuam supernam efficacem assistentiam flagito; ut parcelæ meæ devotiones, quas non minus cum voluntatis promptitudine, quam spiritûs fervore facere satago, comparere valeant ante venerandam præsentiam tuam, & Adorandam Trinitatem viventem in sæcula, Amen.

Pater noster, Ave Maria, &c.

TER.

TERTIO MARTIS DIE,
PRÆLUDIUM.

† **I**ngenti cordis affectu anhelarem;
ut quantò majori, erga tantum
Sanctum devotioni appropias; tantò
plùs vividà deveniendi melior, ipsiq;
similior (in quo veræ devotionis sub-
stantia consistit) flammâ accendaris.
Quantùm possibilitas permittit, quo-
tidie semel saltem ejus Ecclesiam vi-
sitare non pratermittas, ut per inti-
mam, & fervidam Sancto Patri re-
commendationem, ipsius intercessio-
ne, unà cum tuis familiaribus dignus
vivere & mori ut Christianus, meri-
tisque opimis cumulatus reperiaris.
Aut potius in defectu commoditatis
adeundi Templum, ad imaginem, vel
aliam memoriam Beati Patris, in tuì
intrinsici intimos ardores erumpas.
Suspira, plange, & exoptati effectus re-
portandi sis certus. In memoriã nihilo-
minus reducas, quòd ad id perseverantia

desideretur; & quod Sancti, de nostris assiduis, & importunis precibus summopere gaudeant.

SEQUITUR VITA SANCTI:

Sub suæ conversionis exordio, versus humani generis deceptor Romualdum assiduis tentationibus arietare non cessavit; his timores ac horrores auxit. Demùm varijs injurijs, molestijs afficere, verberare, mortem denique ipsam sæpiùs moliri non destitit. Per totum quinquennium, nullam reliquit noctem, in qua ipsum non commoveret temerarium infernale monstrum; super crura ac pedes ejus jacendo; & sic, ut se in dextram, aut lavam partem verteret, nullatenus permittendo. Itaque insomnes noctes agere debebat. Per quindecem annos extremis jejunijs se macerabat; ita, ut solis diebus, Dominicâ, & quintâ feriâ modicam refecti-
onem sumere consuevisset. Gallias
peragrans

peragrans quæquæ portentosa, in spirituale proximi adjutorium & beneficium egit; insignes ibi peccatorum in gravibus culpis inveteratorum conversiones operando. Ubi certio rem nuntium recepit, Sergium suum Patrem (jam Monachum factum) conversionis suæ pœnitere, atque ad sæculum redire conari: Sanctus Ravennam versus, excalceatus iter arripuit, eoque adveniens, ejus instabilitatem asperè correxit & punivit; vocationemque adeo confirmavit, ut summum sanctitatis culmen ascenderit; utpotè, cum à Clementissimo Domino nostro, specialissimo honore decoratus fuerit, in hac afflictâ vita, Spiritum Sanctum in quadam specie intueri promerendo.

M E D I T A T I O.

1. **P**erpende optimum signum esse, dum Divina Sapiencia super nos, ab infensissimo æternæ nostræ salutis

hoste tentationes, aliasvè diversas tribulationes & exagitationes venire permittat: prætendens Divina Bonitas hoc modo, ut in virtutum labore exerceamur, atque merendi occasionem habeamus.

2. Animo revolve, quomodo abstinentia semper individua sanctitatis sociata fuerit. Quocirca totum affectum in ipsam transfundere, ipsique exercitatione adhærere convenientissimum est.

3. Adverte, quomodo proximo, maximè genitoribus, quisque subvenire teneatur. Proinde omni meliori, & accuratiori modo, ipsis adiutorium præbendi occasiones prætereunda non sunt; magis autem & principalius, admonitiones, aut correctiones adhibendæ.

P R O P O S I T A:

PRædictis considerationibus perpensis propones,

imò;

Imò. Tuas tentationes, internasque anxietates Patri spirituali manifestandas, ad finem adæquati, tuæ necessitati documenti excerptendi.

2dò. Ex statuto Ecclesiæ, aut ex tua devotione inchoata jejunia exactè, & libenti animo observanda; atque hilari corde victus pauperiem ferendam.

3tiò. Tuum proximum ad bene operandum, potius bonarum tuarum qualitatum exemplò, ac modestiâ, quàm verbis exhortandum. Quod si eum cernas offendere DEUM; illico amanter, & benevolè monere cura.

Fructus huius Meditationis.

1. **O**Mnibus personis, à capitalibus inimicis, videlicet: mundo, carne, & dæmone tentatis, & tribulatis ex corde compati incipe; & pro eorum consolatione DEUM instanter precare.

2. Tua jejunia, cunctasque alias laborum perpeffiones, in propriarum

culparum pœnam, cuique proximi;
aut in purgantium Animarum suffra-
gium offer.

3. Pro conversione infidelium, &
Christianorum, qui in mortalis culpæ
lecto miserè degunt, JESUM Chri-
stum instantissimè efflagita.

O R A T I O.

AD tuarum virtutum, ô Divinissi-
me Romualde, puritatem, ah
quàm evidentè meæ imperfectiones
prodeunt! vitæ meæ tenorem, ad mi-
nùs in parte, tuæ Sanctissimæ methodo
conformare ex animo cuperem. At
distantia, quam inter unam & alte-
ram, insuperabilem contueor, extre-
mè terrorem mihi inducit. Cona-
tum meum omnigenè erigam, ut an-
te ipsosmet oculos meos humilier;
altâ mentis indagine revolvens mei
nihil abjectionem tuæ virtutis subli-
mitati contrariam: eodem temporis
spatio infinitas, DEO infinito gratias
agendo

agendo, quòd te, ad adeò mirabilem
 meritorum evexerit altitudinem. In-
 terim tuis precibus, ille benignus Lar-
 gitor unicam abundantis sanctitatis, &
 gratiæ scintillam mihi concedat, qui
 torrentis adinstar beatam Animam tu-
 am implet, ac æviternum implebit, ut
 ego etiam in cœlesti Patria tanquam
 unus ex unicè tibi devotis, ipsum lau-
 dare & glorificare nunc, & in perpetu-
 um valeam, Amen.

Pater noster, Ave Maria, &c.

QUARTO DIE MARTIS. PRÆLUDIUM.

† Hætenùs jam ad minùs in parte,
 beneficos, devotionis intimæ erga
 Sanctum effectus expertus es; unàq;
 apprimè perspexisti; quomodo ipse sit
 promptior, atque liberalior in ditando
 te cœlestibus gratijs, quam tu sollicitus
 in ipsis postulandis. Animatus itaq;
 hæc munificentissimâ ac cœlesti comi-
 tate, seriò animadvertite super tanta

beneficia, ultra omne tuum meritum reportata. Tandem nullo temporis puncto intermisso, vivo cordis spiritu ipsi gratias age, ad contemplationem adhuc spei, te reddendi dignum in posterum ulteriorum favorum. Et toto mentis desiderio conare, quàm vivacioribus tuæ linguæ documentis, in pectore Christiano accendere fiduciam in ipsius adjutorio; laudando & benedicendo Dominum in suo servo, quòd ipsum tam gloriosum & mirabilem reddat ad favorem ipsius Devotorum. Ad extremum, id totum agere dispone, quod ipsi fore gratum, atque acceptum videris, optime persuasus, ab ipso ad tuum computum, in Divinæ Majestatis cōspectu præsentadū plurima posse adaugeri; & tunc se amplius ad dispēnsanda tibi largā manu, pretiosissima suarū gratiarū dona extēdet.

SEQUITUR VITA SANCTI.

PREvidentes Gallix Populi, brevi Romualdum, eorum Regionem de-
 Eclitū-

relicturum, sine ulla redeundi spe, hac de causa molestam passionem sentientes, recidendæ S. Patris resolutioni invigilarunt adeò; ut cum eis fortuna non arrideret, Sanctum intra suos limites possidendi, eum è vivis tollerent; atque sic exanimi corpore saltem, pro universali Regionis beneficio fruerentur. Sed DEUS ipsamet nocte in oratione vigilantem imminentis periculi conscium fecit; qui primis diei alboribus, arreptâ forfice, sat deformitèr capillis, & barbâ sibi refecatis, vultu tincto, atque habitu incompto, mente captum se simulans, inevitabile mortis periculum evitavit. Pervenientè itaque (post stabilitû Sergium Patrem in Religione) ad Monasterium S. Apollinaris in Classe, & demùm ad Eremum Pereti, Imperator Ottho III. ad eum invisendum in persona commeari decrevit. Quò, cum post solis occasum devenisset, Sanctus pauperem suum lectulum, ad pausandum

ei dedit ; quem cum pleno reverentiæ titulo Rex acceptavit ; verum, cooperitorium, uti asperrimum & durum judicando, refutavit. Hic ipsemet Imperator ad demoliendam Tiburtinam Civitatem, circumcirca formidabilem obsidionem posuit. Quô, sollicitis passibus progrediens Romualdus, commotum Imperatoris animum mitigavit ; atque placidis rationibus ab attentato malo removit, nullo fanè incommodo Civitati illato. Quinimò confitenti quoddam se commisisse delictum, Sanctus pro pœnitentiâ, & in satisfactionem mandavit ; ut nudis pedibus iter Româ, ad montem Garganum usque, in Apuliam conficeret. Demùm mandato S. Patris, integrâ Quadragesimâ mansit reclusus in Cœnobio Classis ; in exercitijs Psalmidarum, jejuniorum, ciliciorum super nudam carnem, die noctuque perseverando, atque super stœreas dormiendo ; ultimo tandem Imperium abdicare,

dicare, Monasticumque Itatum amplecti pollicendo.

M E D I T A T I O.

1. **A** Nimo revolve, quàm felix, fortunatusque sit Populus Fabri-anensis; quòd dignus fieret recipiendi in suū sinum, amplissimū thesaurum sacrarum Romualdi Reliquiarum; qui propriâ electione ibi requiescere voluit; cùm ex adverso, ille in Gallia, personâ ejus orbatu, exfors remanere debuit.

2. Scrutare ingentem venerationem, in qua Sanctus habebatur apud Orbis Monarchas; qui se ipsos nimis felices opinabantur, si etiam cum proprio gravi incommodo, cum ipso tractare, ei que obedire possent.

2. Aduerte; quomodo Romualdi sanctitatem etiam primi sæculi Optimates verebantur, ac pertimescebant; qui gravissimas pœnitentias ab ipso impositas haud recusabant.

PRO-

P R O P O S I T A.

SUpradictis considerationibus peractis propones.

1. Monstrare Sancto, cum aliquo singularis gratiarum actionis signo, quantum sit acceptus, & charus ejus ad Patriam tuam adventus; si exinde originem ducis.

2. Onus tibi non imputandum in venerandis personaliter, ad conferenda in vestigal tuæ devotionis obsequia, Sanctissimis Reliquijs, aut sacrae Imagini Romualdi; quantumvis amplissimarum facultatum, aut nobilissimæ Prosapiae, atque sublimiorum Regni officiorum præ eminentiâ gaudeas.

3. Libenti animo acceptandi correctiones, & pœnitentias, à DEI ministris, in emendationem aut satisfactionem tuarum culparum, tibi immittas ad amissim exequendi.

Fructus huius Meditationis.

1. **P**Ræterquam, quòd homagij præstandi

standi causâ, ad sacrum depositum, Ecclesiam, aut imaginem Sancti te conferas; non tibi molestiam adferat visitatio, pro ejus amore infirmorum in xenodochijs, aut amicitia conjunctorum; qualiscunque tu existas conditionis.

2. In universis tuæ Patriæ calamitatibus, sollicitus, & confidens ad Romualdi validam intercessionem recurras; si ab iræ Divinæ flagellis, liber evadere exoptas.

3. Assuefieri stude alicui pœnitentiæ, nihil penitus respiciendo ad teneram ætatem, delicatam complexionem, aut generis nobilitatem.

O R A T I O.

ECce jam me, exploratum habe, ô Beate Patriarcha! nunquam amplius te derelicturum; imò continuaturum me, ad sera fata tuum famulatum, in modo tali, qualem frigidissimus meus spiritus permittet, procul dubio

dubio crede. Et quòd si interdum pratermissi præbere exteriora devotionis meæ signa; protestor tamen, & volo: ut hocce cor in amando te semper sit facile; atque in recognoscendo te meum amantem Patrem, constantissimum. Interea à meo, & Tuo munificentissimo DEO, in his meis propositis perseverantiæ donum impetra; ut eò magis, magisque in Te, & nobis pauperibus creaturis in sæcula glorificetur Amen.

Pater noster, Ave Maria, &c.

QUINTA DIE MARTIS,
PRÆLUDIUM.

CREdo te esse conscium, quomodo degens adhuc in hac lacrymarum valle Sanctus, terribilia à Deo obtinebat supplicia contra illos, qui injusto titulo ejus benevolos, ac devotos persequiebantur: è contrariò quemcunque aliquod illis præstantem beneficium inæstimabilibus gratijs locuple-

cupletabat. Nunc imaginare, quidnam non faciet gloriosus in cœlo? ubi potentia, voluntas, & charitas in perfectiori gradu eminent. Quid ergo jam pertimesces, quando & fidelitèr servitutum firmitèr te resolvisti. Insurgent fortè adversum te tui ferocissimi hostes; tu invokes Romualdum: de verberabunt te lites; recurre ad Romualdum: opprimeris ab injustitijs, aut iniqua gente; in adiutorium clames Romualdum. Ultimo, adorientur te impetu valido, spiritus, aut corporis infirmitates; te recommends protectioni Romualdi; neque minimum diffidas te opportuno tempore non exaudiendum.

SEQUITUR VITA SANCTI.

Romualdus audito, cum teneritudinis, & summæ jucunditatis lacrymis, de invidenda, & simul felici, Tyrannorum manibus inflicta morte sui, tam amabilis filij, & discipuli Bonifacij

nificij Archiepiscopi, & Russiæ Apostoli, nuntio: præ mirabili cœlestium consolationum excessu, desiderio martyrij accensus, Hungariam versus ire decrevit. Ad cujus confinia cum viginti quatuor locijs perveniens, ipsemet forti febre correptus fuit; cui tumor associatus est, & tanta stomachi bilis, ut cibum prorsus non retineret. Eam autem non curanti, & ulterius progredi volenti augebatur ipsa; remigrare verò se resolventi minuebatur. Dùm tamen convalescendo, adhuc ultra pergere tentaret, ipsum protinùs cum majori violentia adoriebatur; & postquam passus revolvere disponderet; integrè cessabat. Undè hanc mutam cœli loquelam, cum DEI beneplacito uniformem perpendens; missis septemdecem, in Pannoniam ad seminandam Evangelicam veritatem dictis discipulis; cum alijs in Italiam remigravit: ubi fundatâ sacrâ Eremita Camaldulensi, in ditione

Florentina; variisque alijs; in Sytriam secessit. Ibi septem annorum spatium, cum inviolato silentio reclusus mansit. Ibi supernaturalem Sacræ Scripturæ intelligentiam adeptus, postea admirabiliter commentatus est. Ibi ad extremum, pluribus extraordinarijs pœnitentijs, & macerationibus proprium corpus immisericorditer afflixit. Quibus medijs inæstimabilem fructum, in animabus illius climatis produxit.

M E D I T A T I O.

1. **E**Xamina, quantam habeat efficaciam Amor DEI in una Anima; quam perquirere facit omnem occasionem pro ipso patiendi; immò ad ejus gloriam sanguinem, vitamque fundendi.

2. Contemplare, quomodo multoties DEUS inspiret illud, quod ut aut protinùs, aut nunquam effectum sortiatur vult; ac solummodo ad exporten-

portendam atque dignoscendam nostram promptitudinem. Quocirca quietos nos manere convenit; si nonnunquam nostræ resolutiones impedimentum patiantur.

3. Adverte prudentèr, quomodo à mundi tumultibus & rumoribus recessus, ad segregatumque locum secessus summoperè adjuvet, ad acquirendam veram sapientiam, & cognitionem rerum spiritualium.

P R O P O S I T A.

FActis prædictis reflexionibus propones.

1. Gaudenti animo amplectendos quosvis super te irruentes patibiles dolores; aliasque laborum corporis, aut animi perpeffiones: quinimò aliquando eas de industria inquirendas.

2. Velle servire DFO, secundum ipsius sanctam voluntatem; non verò ut nos volumus; nempe in modo, & loco; tantum, quantum, & quando cognosces,

cognosces, mediante Patre spirituali, esse ejus voluntatem; & non alias.

3. Velle te abstrahere, quantum vires extendi valent, à publicis otijs, aut spectaculis, cæterisque sæculi occupationibus. Ea namque solum inserviunt ad dissipandum spiritum, & devotionem; atque ad non attendendum æternæ propriæ salutis.

Fruitus hujus Meditationis.

1. **C**onsuetude actuali intentione offerre DEO cunctas illas malas actiones, quæ interdum intus & foris contingere possunt.

2. Procura, nunquam per quamcunque causam tui cordis internam pacem, ac tranquillitatem perdẽdam.

3. Quando te compellit necessitas ad trahendam moram in publicis locis, & in plurium personarum societate; tuum cor recollige, & custodi. Et tali modo solitudinem conservabis.

OR A-

Quis non probaretur à tantis animi sui sensibus, & tam validis difficultatibus in virtutum exercitio, quales ego ipsemet experior! Sine dubio crederem, quòd gustatis dulcibus bonarum operationum fructibus, quæcunque alia inutilis applicatio mihi nausearet. Sed quisnam negotium facile reddere passionesque recalcitrantes sedare poterit. Tu esse debes ô Sanctissime Romualde! qui Divino amore erga tuos clientes refertus, in Christianæ perfectionis vias ipsos conducere; atque ad portum salutis, iter alleviare, & facile reddere potes. Tibi itaque instantèr, atq; humillimè supplico, cupiens omnimodè deserendam mundanam vanitatem, meque DEO totalitèr consecrandum. Qui est super omnia Benedictus. Amè.

Pater noster, Ave Maria, &c.

SEXTA

SEXTO DIE MARTIS.
PRÆLUDIUM.

Non obstantibus diversis, & efficacibus motivis hæctenus sat affatim deductis, conijcimus necdum aliquos velle se resolvere ad assumendam veram, erga hunc Sanctum Patrem devotionem. Credibile, id non procedere à modica fiducia, quam habent in summa ejus beneficentia (dum per semetipsam sit abundè manifesta) sed fortè, nè per hanc rationem cogantur rumpere antiqua illa vincula, quæ ipsos tenent arctissimè unitos, vanis mundi occupationibus. Duplicem sane committeretis errorem, ô dilectissimi! Ex una nempe parte tam pretiosis beneficijs vos privaretis: ex altera tandem nunquam à misera servitute vestrorum capitalium inimicorum emergeretis. Ah! Non amplius ad vestrum cor redire, & à tam horribilibus præcipitijs vos sejungere retardetis! Submittite vos
semel

semel altissimo Romualdi patrocinio.
 Et si ipsum, etiam ultimi halitus vestri
 tempore, vobis habere propitium de-
 sideratis; demereri ipsum in vita,
 omni studio incumbite, ejus devotos
 sincerè vos profitendo.

SEQUITUR VITA SANCTI.

FVit acceptissimus Romualdus Hen-
 rico Primo, (quem alij vocant Se-
 cundum) Imperatori, & Sancto. A-
 deò autem acceptus erat; ut semel
 occurrenti sibi Romualdo, exclamans
 palàm Imperator diceret: O utinam
 placeret DEO, animam meam esse in
 corpore tuo! Undè tota Imperatoris
 Aula, catervatim accurrebat ad vi-
 dendum, & venerandum Sanctum
 Patrem; habendamque pro Reliquijs
 aliquam, ex ejus habitu particulam,
 & ideò vestis ejus lanam evellere sunt
 ausi; quamvis Sanctus non modicum
 rubore suffusus, & contristatus indè
 fuit. Vidit prætereà, adinstar magni
 Patri-

Patriarchæ scalam, per quam ascende-
bant, & descendebant homines nivei
coloris habitu induti. Per quod intellexit designari sibi à DEO novum
institutum Religiosorum. Illud au-
tem fuit Camaldulense, ab ipso post-
modum fundatum; in duas partes di-
visum Cænobitarum videlicet: & E-
remitarum. Vidit insuper adhuc vi-
vens propriam animam præsentatam
ante Divinæ Majestatis conspectum,
adinftar nivis resplendentem; in hu-
mana quidem effigie; sed in statura
perfectæ ætatis.

M E D I T A T I O.

1. **C**onsidera; quomodo intemera-
tæ vitæ bonitas in majori æsti-
mationis gradu, apud mundi Magna-
tes resideat; quàm fastus, & superbia.
2. Quomodo Religiones ab Eccle-
sia approbatæ, Divino instinctu à San-
ctis sunt institutæ. Proindè in æsti-
matione, ac omni possibili veneratio-
ne habendæ sunt.

3. Quomodo Anima in gratia DEI existens, decore, omnibus creaturis à DEI Omnipotentia productis præfulget. E contra, illa in peccati labe degens, deformato infernali monstro deformior est.

P R O P O S I T A.

SUpradiçtis Considerationibus trutinatis propones.

1. Colendas, habendumque respectum ad quasvis personas, & maxime piâ aliquâ qualitate præditas; in quibus singulari modo, Creatoris bonitas elucet.

2. Semper discursum rectum, ac bonum ducendum de Religiosis; etiam si videantur aliqui ex ipsis non directam semitam ambulare, secundum eorum vocationem.

3. Cum omnigena & exquisita diligentia à mortali culpa declinandum. Quod si casu cecideris; procura quam primùm culpam delere contritione, & Sacramentali Confessione.

Fructus

Fructus huius Meditationis.

1. **R**ecte opinare de tuo proximo; & in tuis necessitatibus, magis in DEI timore fundatorum orationes adhibeas.

2. Reverearis omnes Religiosos & Sacerdotes; si non ob alium rationis, saltem ob characteris titulum; quod sint in Altissimi ministros electi.

3. Ab omni occasione declina, quæ te ad DEI offensam deducere possit.

O R A T I O.

SANCTissime Anachoreta, & Pater Romualde, intimo, & humillimo animi mei sensu te precor; impetres mihi ultimo ex tuis clientibus, ab infinita Domini nostri pietate, quam perfectissimam cordis puritatem: ut anima mea, à quacunque peccati macula purgata; & non amplius aliquam rem, quæ ipsi displicere queat committendo; ante ejus purissimos oculos presentari digna reperiatur.

C

Qui

Qui vivit & regnat in sæcula sæculorum, Amen.

Pater noster, Ave Maria, &c.

SEPTIMO MARTIS DIE.
PRÆLUDIUM.

Planè res magni momenti esset; si tuo exemplo, vel verbis alios ad cultum Romualdi attraxisti; ipsemet verò, aut ob fastidium in ipsius exercitio, aut ob spiritus tepiditatem in continuando, sine fructu remansisti. Adverte sagaciter, in hoc passu à ferventioribus non permittere coronam tibi de manu eripi; & ut ipsi vice tui, optimis meritis & beneficijs, quæ in grandi copia, à charitativis Sancti visceribus prodeunt, potiantur. Aggredere igitur, sequere, & termina sensim hæc fructuosa exercitia, cum ea attentione & affectu, acsi quodlibet ipsorum, in tua vita ultimum foret. Oh! quàm sunt DEO, & Sanctis grati, & accepti diligentes ac prompti datores! Hilarem enim datorem diligit

diligit DEUS. Oh quam suavem, in pietatis operibus delibant perseverantiae fructum! Indue ergo animum o fidelis Devote; proposita renova; jam nunc fortè extinctum in tuo corde fervorem, circa tam serium propriae salutis negotium, accende.

SEQUITUR VITA SANCTI.

SANCTUS Romualdus prophetiae illustri dono fuit dotatus, varias & longinquas res praedicendo. Plures daemoniacos liberos fecit. Duos statum mentis dimotos, & furibundos; plerosque alios corporali indispositione laborantes, vel panis frustulo, vel aqua, a se, aut suis discipulis benedicta incolumes reddidit. A quibusdam procul distantibus gravia & notabilia furta avertit, praedones mirabiliter retinendo, ac detegendo. Solius orationis virtute, magna incendia extinxit. In summa annonae inopia, pro se sui que sequacibus, coelitum ali-

menta creberrimè obtinuit. Plurimos Principes, Heròes, insignesque Personas, Magnates, & Dynastas Regionum ad DEUM convertit. Ultimò, partim ab hominibus, partim ab humani generis hostibus, fortes persecutiones, constanti animi robore pertulit.

M E D I T A T I O.

1. **C**onsidera, Si Divina Bonitas, etiam in suos servos in terris adhuc viventes tam est liberalis; & ipsis pro se, aut pro alijs deprecantibus omnes gratias elargitur. Quidnam non faciet Beatis in cœlesti Patria?

2. Specialissimum Romualdo honorem à DEO collatum; ipsius meritis mentis impotes curando; res rarissima!

3. Quòd non obstantibus tot insignibus favoribus, quibus erat ab Altissimo dotatus; nihilominus ejus permissione, ab infernalibus Spiritibus, &

mundanis personis permultum affli-
geretur.

P R O P O S I T A.

Finitis prædictis considerationibus
propones.

1. Ponendam, quàm singularissi-
mam fiduciam in incomparabili S. Ro-
mualdi intercessione; quã te à qua-
vis notabili, etiam extraordinaria ca-
lamitate liberare queat.

2. Nunquam in tuis necessitatibus,
de Divina Providentia desperandum;
at illico ad illam confugiendum, me-
diante hoc Sancto Patriarcha.

3. Non pertimescendas tribulatio-
nes, quasi signa iræ supernæ; verum
complectendas, ut quendam arrabo-
nem, Divini Amoris, erga nos.

Fructus huius Meditationis.

1. **I**ncepe graviore tuas necessitudi-
nes animæ, aut corporis, aut fa-
miliæ tuæ Sancto commendare.

2. Utaris in bonum rerum cogniti-
one,

one, sanitate, & commoditate; quam DEUS pijsſimus tibi elargitur.

3. Humilieris ante DEUM, & homines: è contra verò in quacunque adverſitate exultes,

O R A T I O.

OMnipotens ſempiternæ DEUS, qui in conſilio Sanctorum tuorum gloriaris, preces mei miſeri peccatoris exaudi; atq; meritis, & interceſſione Beati Abbatis & Confefſoris Romualdi dignanter præſta; ut aliquando ſublever ex obſcuritate imperfectiſſimæ vitæ, & erigar ad celſitudinẽ tuã Divinã ſamulatus; profitendo tibi amorem purum & fortem; proximo ferventem charitatem; ipſimet autem glorioſo Patriarchæ perpetuam & intimam devotionis ſubjectionem. Qui vivis & regnas in infinita ſæculorum ſæcula. Amen.

Pater noſter, Ave Maria, &c.

OCTA-

OCTAVO DIE MARTIS.
P R Æ L U D I U M.

† **E**Cce jam adest terminus tui itineris spiritualis, Exercitiorum inquam Novendij, ad perpetuam laudem Sancti Romualdi arreptorum. Confitere tādē, quòd licēt illis cum illa attentione & spiritu, quem requirunt, non es ulus; nihilominus quasi defectum tuum suppleres, quando majorem in te semper percipis dispositionem, ad ipsi serviendum, & iterandam aliā fructuosam hanc devotionem. Assume ergo animum, & his duabus diebus resolve te ad unendam omnem, quam olim habuisti applicationem; ita, ut in fervoris intensione, & cordis teneritudine, erga ineffabilem tam præclari Sancti bonitatem, omnes alias hætenus habitas præcellat. Ah quam perpulcher & utilis devotionis hic Epilogus, debet esse acceptus DEO, charus Angelis; gratus Romualdo! Nunc jam vide-

bis, quàm sit fructuosum animæ tuæ,
propius & veriùs ad tam potentis Pro-
tectoris cor accedere.

SEQUITUR VITA SANCTI.

DEcrepitus noster Sanctus Pater co-
gnoscens tempus appropinquare,
quo, destructo languidi corporis sui
carcere liberâ & solutâ animâ ad pe-
rennem cum DEO evolare deberet
unionem; inenarrabili lætitiâ plenus,
cunctis palàm communicavit, quòd
post breve, sibi tamen visum diutur-
num, duorum scilicèt annorum curri-
culum, extrâ hanc terram terræ man-
sionem futurus esset. Recessit pro-
indè ad Eremum à se ædificatam Val-
lis de Castro, septem milliaribus Fa-
briano distantem. Ibi in loco aliquan-
tulum ab aliorum conversatione re-
moto, extruxit Cellam cum Sacello,
ad præsens Sancti Blasij nuncupato.
In hac reclusus, nihil remisso solito
jejunij rigore, in altissima contem-
platione,

platione, & silentio mansit; atq; sic, ut verus Anachoreta, absque aliqua humana assistentia, ultima suspiria efflare voluit. Serotinâ horâ diei 19. Junij, Anni 1027. duos Religiosos è cellula dimisit, in gravi & ultima necessitate sibi assistentes; ipsisque mandavit, ut ad Eremum recedentes, post cantatum matutinum ad se redirent. Suspicientes nihilominus discipuli Sanctum Patrem, ut verum solitarium, velle suum spiritum purissimum exhilare, & sine alicujus interventu; uti prædictum habuerat viginti ante annis; non multum à cella recesserunt. Transacto deindè brevi temporis intervallo, cum attentius auscultarent; & neque motum corporis, neque vocem audirent, jam quod evenerat veraciter opinantes, impulsâ januâ velociter irruunt, lumen accendunt, & Supinum Sanctum, jacere mortuum, consternati reperiunt. Quò perverientes omnes discipuli, Sanctum Cor-

pus in principali Ecclesia Monasterij, cum Hymnis & Canticis, inter devotas lacrymas & suspiria deposuerunt. Vixit Beatissimus Pater centum viginti annis, ex quibus viginti expendit in saeculo, tres duxit in Monasterio, & nonaginta septem in Eremitica transiit austeritate.

M E D I T A T I O.

1. **C**onsidera, quomodo Sancti, quamvis singulari privilegio divina gratia securi, & futura Paradisi gloria; tamen antequam tempus mortis appropinquaret, ab omni exteriori negotio recedebant; ut se totos in DEO reponerent, & transirent feliciter ad eum.

2. Quomodo illis, qui adhuc in vita degentes, dimicare serio contra tentationes, ipsasque vincere, sunt assuefacti; deinceps in mortis articulo, non sit opus humanâ assistentiâ. Quocirca illis superandis primò assuescere proficuum est.

3. Quomodo expavescere non debeamus in servitio Divino, omni tempore vitæ nostræ, licet si prolixiori. Quoniam Divina Bonitas id meretur, nos quoque obligamur.

P R O P O S I T A

PRædictis considerationibus transactis propones.

1. Vitam agendi, quantum vires tuæ se extendunt, segregatam à mundi turbinibus; nè tibi in ultimo mortis puncto, sint laqueus & impedimentum.

2. In singulos dies hanc expressam, & fixam habendam reflexionem, quasi quilibet ipsorum ultimus esset terminus vitæ tuæ.

3. Quotidiè pro moribundis, ad finem felicitatis eorum ex hac vita transitus, orandum.

Fructus huius Meditationis.

1. **V**esperè, antequam ad requiescendum te conferas, serio conici-

conscientiam tuam examines, & de commissis inter diem culpis, à DEO veniam expostules. Ad hunc finem etiam, si nocte illâ te exhalare spiritum improvise contingat, examen Confessionis ante DEUM tibi serviet.

2. Omni die, aliquâ singulari oratione, Domino DEO, Sanctissimæ Virgini MARIÆ, Sancto Josepho, S. Romualdo, aliisque tuis Sanctis Advocatis animam devotissimè commendes; ut si casu mortis id facere nequeas, tempus nunc anticipes.

3. In memoriam tibi creberrimè veniat, quòd sis è vita migraturus. Ideò in Purgantium Animarum suffragium, aliquod opus bonû applices.

O R A T I O.

Magnam resplendentium virtutum specimen meæ mentis oculis repræsentatur, fixè perpendicularibus prodigiosissimam tuam vitam, ô Beatissime Pater. Nimiùm absorptus maneo,

maneo, alta mentis indagine trutinans
tam admirandas actiones tuas, tam
prodigiosa miracula. Effice tandem,
ut te imitando quantum valeo, post
fragrantiam pretiosorum unguento-
rum tuorum curram; & transacta hac
miserâ vitâ, Te sequar in æterna.
Quam, mundi Redemptor & Judex
Christus, per suam infinitam bonita-
tem concedere dignetur. Amen.

Pater noster, Ave Maria, &c.

NONO ET ULTIMO
MARTIS DIE,

P R Æ L U D I U M.

HAc ultimâ Novendij die, præsto-
latur à te S. Romualdus perfe-
ctum cordis Sacrificium; & constan-
tem tuarum mortificationem passio-
num. Jam pluries præteritis ferijs
pollicitus es futurum te ejus perpe-
tuum & devotum servum; ipsumq;
sequi in sanctis vitæ operationibus (po-
pondisti. Nunc idem monstrabis, sæ-
pius

pius frequentando Sanctissima Sacramenta; auscultando ultra solitum, devotè, Verbum DEI; voluntariè amplectendo abstinentias & jejunia; adjuvando tuum proximum in rebus ad animam, & corpus pertinentibus; libentè & procul recedendo à vanitatibus mundi; ex animo DEUM placando & precando pro inimicis, cum ipsisque te reconciliando; mortificando lenius, atque tuam vitam, quantum possibile, conformando vitæ Sancti Patris. Ad quem finem ipsi, aliquod devotum tributum, vocalium & jaculatoriarum precum offeras; in vocando ipsum vivo corde in necessitatibus, & tribulationibus. Hæc erunt & similia, magis manifesta signa tuæ devotionis erga ipsum, & profectus deprompti ex hoc Novendio. Benedictio itaque Patris, & Filij, & Spiritus Sancti tecum maneat, custodiatque te ab omni malo, per servi sui Romualdi merita, Qui tibi etiam;

ab eodem Domino liberalissimo Largitore, omnis desiderabilis boni plenitudinem impetret. Amen.

Succincta Historia Translationis S. ROMVALDI.

TRansacto, à morte S. Patris quinquennio, Authoritate Apostolicâ, per Joannem XX. Pontificem Maximum, Anno 1032. conclusum fuit; ut Sacrum Corpus ejus exhumaretur; ac in decentiori loco collocaretur; atque in nova tumba intra altare ad publicam venerationem exponeretur. Ad quem finem Prior Eremitæ Vallis de Castro, dictus, P. Dominus Azo, S. Patris discipulus paravit parvam arcam, supponendo eam fore sufficientem ad recipiendas sacras Reliquias; quas jam in pulverem redactas opinabatur. Interim Sanctus, cuidam Religiosorum in somnis apparuit, impetrans; ut certiore redderet Priorem, illam arcam,

cam, ad includendum Corpus suum, esse incapacem. Rei veritatem exitus probavit. Aperto namque sepulchro, tam integrum & pulchrum Sacrum Corpus reperierunt; ac si illud sepulturæ, eo instanti tradidissent. Proinde sine mora, facta fuit alia grandis, & sufficiens arca; quæ secundum antiquam traditionem hucusque conservatur sub quodam collateralium altariû, in Ecclesia S Blasij Fabriani. Per quam Dominus, etiam ad præsens plurima miracula operari dignatur, maxime in infantibus, eò, gratiâ acquirendæ sanitatis repositis.

Posito itaque, sub quodam novo Altari Sancti Romualdi Corpore, sparsaque famâ, quòd omninò incorruptum conservaretur, (sicut in veritate integrum inventum est, Anno Millesimo, Quadringentesimo, Sexagesimo Sexto; quadringentis triginta novem annis elapsis, post felicem ejus transitum) in Anno Millesimo Quadringentesimo

tesimo Octuagesimo primo, duo Religiosi Pedemontani extranei, inter se convenerunt eò personalitèr eundum, & clam raptum, ad suum Monasterium deportandum. Supervenientibus itaque sacrilegis manibus, & vix contrectantibus, protinùs vestimenta Sancti, & Caro in cinerem resoluta sunt; pulpâ spoliatis Sacris Ossibus solummodo remanentibus. Ad hoc miraculum nihil perterriti, ocyùs Sacra Ossa in saccum immiserunt, & cum eò ad Civitatem Ælinam iter aggressi sunt. Adcujus Cauponam se recipientes, Sacrum depositum in pavimento cujusdam habitaculi reposuerunt. Casu deniq; transeunti filio Cauponis visum fuit magnum incendium; vocat proinde Patrem; sed & huic similiter videbantur exurgere flammæ ignis usque ad tectum. Ambo cubiculum intrant, & nihil reperiunt, præter vilem saccum in terra depositum, plenum ossibus. Recursu igitur
facto

facto de rei novitate ad Episcopum, interim ejus mandato, duo delinquentes sub arresto posit. sunt. (de quibus fama tulit, ipsos in quodam nemore, à feris immaniter devoratos fuisse, & infelices vitam miserabiliter finisse.) Unde Episcopus convocato Clero, populique multitudine, diversorium adiens, Sacras Reliquias ad Cathedralē Ecclesiam transtulit. Interim Patres Vallis de Castro, instantes preces pro recuperandis ipsis fecerunt; sed tam Episcopus, quam AMinates precibus eorum non annuerunt. Quocirca Patres Maceratam adierunt, Legatum à latere Cardinalem interpellantes, ipseque decrevit; ut relicto AMinæ Ecclesiæ uno brachio Corporis Sancti, residuum totum Monachis Camaldulensibus restitueretur. Arrepto itinere cum Sancto pignore, controversia exorta est, essetne ad antiquum Vallis de Castro monumentum deportandum, an potius Fabrianum? Tandem

dem mulus, super quo tam pretiosus thesaurus jacebat, licet diremit; siquidem nullâ vi humanâ induci poterat, ut viam relinqueret, quæ Fabrianum ducebat; & Cœnobium versus Vallis de Castro, passus revolveret. Quô appropinquantibus Sacris Reliquijs jam horâ tardiori, sine scitu Fabrianensium, omnes campanæ improvisò ipsamet sonum ciere incipientes, publicum communis lætitiæ signum dederunt. Quocirca cum júbilo universali, & solemni Processione, in Ecclesiam S. Blasij illatæ fuerunt, atq; in marmorea arca, sub majori altari depositæ; ubi singularissimâ devotione semper coluntur. Contigit prædicta Translatio circa annum nostræ salutis, Milleimum, Quadringentesimum Octuagesimum Secundum, Die Septimâ Februarij.

MEDITATIO.

- I. **C**onsidera, quanta fuerit puritas Romualdi, quæ per tot sæcula

cula sui Corporis meruit incorruptionem.

2. Quomodo ad Sanctorum Reliquias, cum magna reverentia & circumspeditione accedere debeamus; expectando incurrendam eorum indignationem, si contrarium fecerimus.

3. Perpende; quod multoties sub specie devotionis, aut zeli permagni errores committantur. Unde consulere virum probum consentaneum est, priusquam rem aliquam magni momenti, & extraordinariam operari exordiaris.

P R O P O S I T A.

FActis supradictis considerationibus propones.

1. Custodiendam omni possibili animadversione, tui cordis & corporis puritatem.

2. Ante contactum, aut osculum Reliquiarum Sacrarum, petendam quodammodo licentiam ab illo Sancto,

cto, ac demùm actu Contritionis animam purificandam, ut digniùs eas accedas.

3. Non permittere te vinci à Creaturis irrationalibus, in præbendo Sanctis honore; & tantò magis ab insensibilibus.

Fructus huius Meditationis.

1. **I**N tentationibus & periculis contra puritatem recurras humiliter, & fiducialiter ad Romualdum.

2. Appropinquando Sanctis Reliquijs, cogita te accedere ad ipsum Sanctum, cuius sunt.

3. Operare illud bonum, quod est certum & securum; & nunquam dubium, aut speciosum sine consilio aggrederi.

O R A T I O.

Quàm dulce est, & suave tibi famulari prompto animo, ac generoso, ô gloriose Romualde! Ego confiteor, quòd licètsi hos novem dies,
tuo

tuo honori dedicatos frigido spiritu transegerim ; nihilominus admodum me sentio consolatum , atque compulsum ad te incessanter amandum ; monstrandosq; ipsis operibus, meæ debitæ gratitudinis affectus. Interim blando animo recipe id, quod hactenus ad tuæ gloriæ augmentum, meæque animæ utilitatem exercui ; & perfice quidquid in mea intentione in posterum faciendum, viget ; imprimendo in corde meo indelebile, tui obsequentissimi servi signum ; cujus virtute, omni tempore, & loco, in laudibus tuis occuper ; sperando in Divina Misericordia, tibi me associandum in cœlis, per totam Æternitatem. A.

Pater noster, Ave Maria, &c.

Alia Devota Oratio,

AD PATRIARCHAM

S. ROMVALDVM.

Sanctissime Pater, cum ipsis operibus altissima merita tua venerari nequeam ;

nequeam; ad minus mihi concedatur,
ut laudis tributum præstare tibi va-
leam; undè adæquatum motivum ad-
mirandæ eminentiæ illarum singula-
rium virtutum percipiam, quæ tuam
Animam felicem redderunt. Si igitur
exaltare audeo Divinum Amorem
qui in te regnabat; ecce fuisti quæ-
dam flamma, quæ incessanter arde-
bat, sæpissimè coactus clamoribus ex-
halare ardores tui igniti cordis. Si
verò Amorem erga proximum laudare
assurgo, ecce totum mundum salvare
cupiens, in Eremum convertere volu-
isti. Si donum Orationis magnificare
prætendo; creberrimè te extra se ra-
ptum cerno; & transformatum in
DEUM, per contemplationis exces-
sum. Si abstinentias celebrare desi-
dero; jam exploratum patet, quòd per
longam annorum seriem, solo rigidis-
simo jejuniorum alimento sustenta-
reris. Si puritatem mentis, & cor-
poris describere satago; sufficit dicere,
quòd

quòd ab ipsismet Sanctis, Angelus incarnatus nominareris. Si denique, omnium tuarum virtutum splendorem demonstrare studebo; ecce te splendidissimam stellam, luminosum Planetam honorari audio. Sed advertens, quòd ipsamet Seraphica lingua languesceret in perfecte explicanda sublimitate sanctitatis, & gratiarum, quibus tuum fortunatum Spiritum Pater luminum cumulavit; idcirco dispono permutare laudes in preces; tibi que intimo corde supplicare, ut velis mihi esse fax ad incendendum cor meum Amore DEI, & proximi; dux in oratione, exemplum in patientia, speculum in castitate; author in patientia; sustentaculum in lapsu, solatium in tribulationibus; regula in actionibus, socius in laboriosa hujus miseræ vitæ peregrinatione; Protector, & Assistens in tremenda mortis hora; ut tandem in æterna gloria confors tui esse possim, Amen.

Intentio

ducis gaudijs hujus vitæ ad confessi-
onis gloriam sublimasti; fac nos, quæ-
sumus, ipsius meritis, ab hujus mundi
onere sublevatos, cœlestia omni tem-
pore anhelare. Per Dominum, &c.

A D P R I M A M.

ψ. Deus in adjutorium meum, &c.

H Y M N U S.

NOstris adesto vocibus,
Pater precamur supplices,
Res ut diurno tempore
Puris agamus mentibus.

Nostras labentes dirige,
Cœli preces ad Principem,
Morte ut perempti corpore,
Vita fruamur cœlitum.

Præsta hoc Beata Trinitas,
Concede simplex Unitas,
Ut te hic colentes unice,
Tecum fruamur æthere, Amen.

Antiph. Vir vitæ venerabilis magis
elegit vitam Monasticam ducere Be-
atus Romualdus, quàm in tumultibus
sæculi manere.

Ÿ. Ora pro nobis Beate Pater ROMUALDE,

R. Ut digni efficiamur, &c.

O R A T I O.

FAc nos quæsumus Domine Beati Patris Nostri Romualdi hic imitari labores, ut illic ejus gloriæ participes esse mereamur. Per Dominum nostrum, &c.

A D T E R T I A M.

Ÿ. Deus in adjutorium meum, &c.

H Y M N U S.

VT Romualdus hostium,
Virtute continentie
Victis furentum fraudibus
Jam possidet cœlestia.

Sic nos devicto sæculo,
Castis, fideque moribus
Ipso juvante maxima
Cœli assequamur præmia.

Præsta hoc Beata Trinitas
Concede simplex Unitas,
Ut te hîc colentes unicè,
Tecum fruamur æthere, Amen.

Antiph.

Antiph. Sancte Romualde Christi
Confessor, audi rogantes servulos, &
impetratam cœlitus; tu defer indul-
gentiam.

ψ. Ora pro nobis, &c.

O R A T I O.

Intercessio nos quæsumus Domine,
Beati Patris nostri Romualdi Abba-
tis commendet, ut quod nostris meri-
tis non valemus, ejus patrocinio as-
sequamur. Per Dominum nostrum, &c.

A D S E X T A M.

ψ. Deus in adjutorium meum, &c.

H Y M N U S.

Aldi preces Sanctissime,
Quas, Romualde, fundimus,
Christoque Regi gloriæ,
Virtute caros effice.

Illum precare fervidus;
Ut tollat omne noxium,
Donetque cuncta prospera,
Et hîc, & in cœlestibus.

Præsta hoc Beata Trinitas,
Concede simplex Unitas,

Ut te hîc colentes unicè,
Tecum fruamur æthere, Amen.

Antiph. Bonis semper operibus Be-
atus Pater Romualdus insistebat, no-
cte, ac die Domino famulando.

ÿ. Ora pro nobis, &c.

O R A T I O.

OMnipotens sempiterne DEUS, cui
cuncta famulantur elementa, e-
xaudi propitius orationem nostram,
& tribue nobis misericordiam tuam:
ut quæcunq; præcipis, intercedête Be-
ato Romualdo Confessore tuo, im-
plere possimus. Per Dominum no-
strum, &c.

A D N O N A M.

ÿ. Deus in adiutorium meum, &c.

H Y M N U S.

TU Christe, summa Charitas,
Ac sempiterna Bonitas,
Cor nostrum redde blandulum,
Per Romualdi gratiam.
Hîc proba, & ignominias,
Divino amore saucius,

Vultu

Vultu sereno pertulit,
Ob idque fulget inclitus.
Præsta hoc Beata Trinitas,
Concede simplex Unitas,
Ut te hîc colentes unicè,
Tecum fruamur æthere. Amen.

Antiph. Erat Beatus Romualdus
perfectò fide præclarus, in virtutibus
gratiosus, & hospitalitate præcipuus.

ψ. Ora pro nobis, &c.

O R A T I O.

Concede nobis Domine, quæsu-
mus alacribus animis Beati Con-
fessoris tui Romualdi commemora-
tionem quotidie peragere, cujus di-
versis decorata miraculis, tibi vita
complacuit. Per Dominum, &c.

A D V E S P E R A S.

ψ. Deus in adiutorium meum, &c.

H Y M N U S.

Beatu*s* iste, corporis,
Tandem solutus vinculis,
Post longa victor æthera
Jam possidet certamina.

Ds

Frustra

Frustra superbas intulit,
 Minas Tyrannus Tartari:
 Frustra dolos, & omnia
 Inferni novit agmina.

Præsta hoc Beata Trinitas,
 Concede simplex Unitas,
 Ut te hîc colentes unicè,
 Tecum fruamur æthere Amen.

Antiph. Sancte Romualde Christi
 Confessor, tu nostræ Religionis divi-
 nitus plantator, sis apud DEUM no-
 ster pius intercessor.

ÿ. Ora pro nobis, &c.

O R A T I O.

Clementiam tuam mitissime DE-
 US humiliter imploramus, ut me-
 ritis Beati Romualdi, & prospera
 mundi despiciere, & cœlestium dono-
 rum mereamur participatione gau-
 dere. Per Dominum, &c.

AD COMPLETORIUM.

ÿ Convertte nos Deus Salutaris noster,
 R. Et averte iram tuam a nobis.
 ÿ. Deus in adjutorium meum, &c.

H Y M N U S.

Iam noctis ecce frigidæ
Conlurgit umbra densior,
Curam Pater nunc suscipe
Gregis, precamur, supplicis.

Depelle nobis somnia,
Et dæmonum fallacias,
Sit pura mens, sit pervigil,
Sopor fovet dum Corpora.

Præsta hoc Beata Trinitas,
Concede simplex Unitas,
Ut te hîc colentes unicè,
Tecum fruamur æthere. Amen.

Antiph. Verè Angelus DEI, verè
Propheta Sanctus, & lux magna in
finibus nostris apparuit.

ÿ. Ora pro nobis, &c.

O R A T I O.

OMnipotens sempiternæ Deus, qui
Beatissimi Anachoritæ tui Romu-
aldi, mentem tantis divini luminis ra-
dijs illustrare dignatus es, ut perfe-
ctæ solitariæ vitæ excogitator extite-
rit, normamque in tui laudem jugi-

tèr servandam, in cacumine Montis Apennini mirabiliter instituerit: concede, quæsumus, nobis ejus alumnis, quos in nomine tuo genuit, tantâ animi puritate in via præceptorum suorum verari, quatenus à terreno, ad æternum Montem, in quo tecum habitat, purificati conscendere valeamus. Per Dominum nostrum, &c.

*Commendatio ad eundem Sanctum Patrem ROMV.
ALDVM.*

Obscuro te Beatissime Pater Romualde dilecte DEI, perfectus in charitate cœlesti, Pater inquam, & Magister Eremitici propositi. Pater, qui sacram Eremum, ordinemque nostrum Camalduli per mysterium cœlestis scalse, instar Jacob Patriarchæ tibi cœlitus ostensum, Domino nostro JESU Christo benedictio in altis montibus sacrasti, ut nos famuli tui, calcato

eato sæculo, discamus per humilitatem Religionis ascendere in montem divinæ contemplationis, quæ est janua scalæ cœlorum. Et ut sedentes ad pedes Domini cum MARIA, fundere studeamus sicut aquam cor nostrum ante conspectum Sanctissimæ Trinitatis, ut misereatur nostri Omnipotens Pater, & Angelorum nos præsidio cum Jacob munit. Obsecro, inquam, te Beatissime Pater, memor esto omnium Camaldulensium tuorum, ac totius Christianæ gentis. Deprecare, etiam pro me indigno seruo tuo, ut illuminet me radius gratiæ Spiritûs Sancti, quatenus lordibus omnibus mentis, & corporis expurgatis, universis bonis, ac sanctis virtutibus exornet. Sic verò in dilectione DEI, & proximi, cum vera Religione, Fide, Spe, & Charitate, & humilitate, & mansuetudine me exerceam, ut ad eam cœlestis mentis contemplationem, me aliquando rapi sentiam,

tiam, quâ te hîc olim rapi consuevi-
sti, dùm inhians in superna fluenta
fontis vitæ, quasi totus in lacrymas
resolutus astuante in te ardore divi-
ni amoris, clamabas ad dulcissimum
Dominum JESUM: Chare JESU,
chare; mel meum dulce, desiderium
ineffabile, dulcedo Sanctorum, sua-
vitas Angelorum, & his similia mul-
ta proferebas in jubilo. Commen-
doque tibi piissime Pater animam
meam, corpus, & spiritum meum,
omnes qui se meis commendaverunt
orationibus, amicos, & inimicos, ut
tu, qui DEI amicus es, & securus de
te, sis quoque de nobis sollicitus, &
nos precibus juves. Et rogo te dul-
cissime Pater, ut me famulum tuum
hodie, & semper tuis sanctis interces-
sionibus protegas, quatenus nomen
JESU, & Angelus ejus bonus expel-
lat à me omnem Sathanae nequitiam,
ac terrorem, & misereatur animæ meæ
in egressu tuo miserator Dominus. A.

AD DIVUM
ROMUALDUM
ABBATEM,

Camaldulensis Ordinis Fundatorem.

Pro impetranda ejus protectione praecipue in liberandis Obsessis, & Infirmis sanandis.

H Y M N U S.

QUÆ Virtus, quæ potentia,
Quâ Romualdus polleat
Ægros, superque Demones,
Ejus Sepulchrum edocet.
Cum lectulo decumberet,
Quinquennio fere iustulit
Ad instar mole Damonem
Ejus prementem genua.
Amentis frontem osculans,
Obsessi insufflans faciem,
Utrumque sanum reddidit;
Sic irridebat Damonem.

Cum

Cum parvo panis frustulo

Alium sanat puerulum,

Lymphâ, quâ manus terferat,

Languores multos expulit,

Alius Clicium intuens

In Templo occultum, ejulat,

Illud illud me abigit,

Et statim Dæmon exijt.

Rogo DEUS Sanctissime,

Per Romualdi merita,

Obsessi ut à Dæmone,

Sintque ægri à morbis liberi.

Uno trinoque Domino

Sit sempiterna gloria,

Qui Romualdo contulit,

Flagellum esse Dæmonis. Amen.

ÿ. Ora pro nobis Sancte Romualde,

ÿ. Ut digni efficiamur promissionibus Christi.

O R E M U S.

DEUS, qui famulo tuo Romualdo Abbati gratiam, & Virtutem super ægros, ac Dæmones conferre dignatus es: Supplicationes nostras
benignus

benignus respice, ut ejus meritis, & intercessione omnem Creaturam à nefarijs Spiritibus, & ab omni Corporis infirmitate liberare, ac præservare digneris. Per Christum Dominum nostrum, Amen.

RESPONSORIVM S. ROMVALDI.

Ad petendum ejus Patrocinium.

SI quæris Patrocinium,
Et Romualdi gratiam,
Quid possit ejus dextera,
Fabrianenses adeas,
Obsessos, & à scabie,
A bello, & à contagio,
Attractos, atque pavidos
Pupos, amentes, liberat.
Sancti contactu Cranij,
In præsens aqua cernitur
Morbos & incurabiles,
Sanare frequentissimè.

Ol

Obsessos, & à scabie,

A Bello, & à contagio,

Attractos, atque pavidos

Pupos, amentes, liberat.

Gloria Patri, & Filio, & Spiritui S.

Obsessos, &c.

ψ. Ora pro nobis Sancte Romualde,

℞. Ut digni efficiamur promissionibus Christi.

O R E M U S.

DEUS, qui famulo tuo Romualdo Abbati gratiam, & Virtutem super agros, ac Dæmones conferre dignatus es: Supplicationes nostras benignus respice, ut ejus meritis, & intercessione omnem Creaturam à nefarijs Spiritibus, & ab omni Corporis infirmitate liberare, ac præservare digneris, Per Christum Dominum nostrum,

A M E N.



A N T I P H O N A
A D B E A T U M P A T R E M
B E N E D I C T U M .

*Pro impetranda assistentia ipsius,
 in mortis articulo.*

CTans in Oratorio dilectus Domini
 Benedictus, Corpore & Sanguine
 Dominico munitus, inter discipulo-
 manus imbecillia membra susten-
 erectis in cœlum manibus, inter
 us verba Spiritum efflavit; qui
 nam stratum pallijs, & innumeris
 coru- lam lampadibus, cœlum ascen-
 dere visus est.

ψ. Gloriosus apparuisti in conspectu
 mini,

Propterea decorem induit te
 anis.

O R E M U S .

DEUS, qui pretiosam mort
 etissimi Patris Ben

86 *Antiphona ad S. Benedictum.*
tisque privilegijs decorasti; concede
quæsumus nobis, ut cujus memoriam
recolimus, ejus in obitu nostro, beatâ
præsentia, ab hostium manibus in-
fidijs. Per Dominum nostrum JE-
SVM Christum Filium tuum, qui te-
cum vivit & regnat in unitate Spiritus
Sancti DEVS, per omnia secula se-
culorum, Amen.

P R O S A

De Sanctis quinque
tribus Martyribus Poloniarum

*Ex antiquo Breviario Polonorum, &
revelatione S. Joannis Bremis Cam-
braldensis, composita est à P. P.
Nucio, Ordinis S. Franc. de
Observ. ut infra.*


— Ot die jubileus, in hac die exul-
— Tot clarorum invocemus

e
n
a
-

2°

il
u

2



O Bone Iesu, panis vivus de celo descendens
O Bone Iesu gaudium meum, visita me.
O Bone Iesu, adiutor meus, adjuva me.
O Bone Iesu, Protector meus, protege me.
O Bone Iesu, amor meus, transforma me.
O Bone Iesu, spitiatio mea, intra ^{ad conde} vulnera tua
O Bone Iesu ^{l: tuos recipere} Vita perennis, in numeru electo
O Bone Iesu gloria mea, glorifica me.

